



CONCELLO DE VALGA (PONTEVEDRA)

Avda. Coruña, 14 – 36645 VALGA

986 55 94 56 - 986 55 92 44 Fax. 986 55 94 55

concello.valga@eidolocal.es

www.valga.gal

EMBELECER VALGA 2022

CONCURSO: “O LUGAR MÁIS FERMOZO”

BASES:

1. Obxectivo:

O proxecto basease na rehabilitación, o acondicionamento e o coidado de espazos e zonas comúns, por parte dos/as veciños/as deses lugares, para o seu posterior gozo de toda a comunidade, incluíndo os/as visitantes que se acheguen.

O obxectivo fundamental deste proxecto está centrado en incentivar a participación veciñal para facer, do lugar onde viven, un espazo deseñado ao seu gusto. Con estas accións comunitarias tamén se fomentan valores como a integración e unión social, o traballo en equipo no desenvolvemento común, así como o respecto polos espazos e mobiliario públicos e a posta en valor do coidado das contornas e o medio ambiente.

2.- Participación:

A participación está condicionada aos seguintes criterios:

❖ Administrativos:

- Creación dunha comisión que pode ter carácter veciñal, asociativo, ou se calquera outro tipo, que cubrirá unha solicitude onde apareza o/a representante e un mínimo de tres persoas asinantes.
- Presentación dunha memoria descritiva que reflicta a actuación que se pretende levar a cabo coa delimitación do espazo no cal se vai a intervir. Esta memoria descritiva permitirá ao concello valorar a viabilidade das accións. Técnicos do Concello serán os encargados de avaliar os proxectos e aprobar, total ou parcialmente, as actuacións propostas polos grupos veciñais. Tamén se encargarán da entrega do material necesario para a execución das obras aprobadas.

A memoria descritiva deberá ter unha estrutura e planificación clara, cunha exposición o máis próxima posible á acción que se pretende executar, así como dos recursos materiais a usar e a súa xestión. Tamén deberá incluír unhas fotografías do lugar no momento de facer a solicitude de participación.

- O incumprimento da memoria, nas partes esenciais, determinará a exclusión do concurso da comisión responsable.

Ademais, as actuacións non autorizadas, dependendo da gravidade das mesmas, poderán ocasionar unha sanción económica e a obriga de restitución ao estado orixinal do lugar afectado, sen prexuízo das responsabilidades nas que poida incurrir por calquera actuación levada a cabo.



CONCELLO DE VALGA (PONTEVEDRA)

Avda. Coruña, 14 – 36645 VALGA

986 55 94 56 - 986 55 92 44 Fax. 986 55 94 55

concello.valga@eidolocal.es

www.valga.gal

❖ Medioambientais:

- Potenciar a conservación e mellora da paisaxe e espazos públicos.
- A recuperación de elementos xa existentes.

❖ Urbanísticos:

- Habilitar o uso de espazos públicos con elementos axeitados (plantas, mobiliario urbano...) ao uso final por parte da comunidade, tendo en conta as necesidades de mobilidade e integración social.
- Enseño para escoller e utilizar materiais e recursos dispoñibles na zona.
- Uso de materiais acorde ao entorno.
- Promover os xogos tradicionais, pintándoos no propio chan como mariola, tres en raia, xadrez... ou destinando un espazo específico para o desenvolvemento en xogos como a chave, a rá, a petanca...

❖ Patrimoniais:

- Recuperar, conservar elementos característicos que poidan existir en cada lugar que, sen ter protección patrimonial (nos cales están prohibidas as actuacións sen permisos específicos), poidan ser susceptibles de ser conservados.
- Fomentar a difusión do idioma e a cultura propia do lugar, integrando refráns, debuxos, poemas, esculturas, lendas, cantigas...

❖ Concello:

- Apoio normativo para as actuacións a levar a cabo.
- O Concello será o encargado da dotación material axeitada, segundo valoracións consensuadas polas dúas partes.

❖ A comisión:

- Planificación clara tendo en conta as necesidades e o tipo de sociedade á que vai dirixida a transformación do espazo público.
- Imaxinación para o aproveitamento dos propios recursos do lugar a acondicionar.
- A aceptación da execución dos traballos manuais que sexan precisos, así como a posterior organización para o mantemento e conservación.

3.- Participantes:

- Aberto a todos os lugares das distintas parroquias do Concello.

4.- Inscripción:

- A inscrición farase no Concello ou no correo electrónico comunicacion@valga.gal por un representante de cada comisión do lugar.



CONCELLO DE VALGA (PONTEVEDRA)

Avda. Coruña, 14 – 36645 VALGA

986 55 94 56 - 986 55 92 44 Fax. 986 55 94 55

concello.valga@eidolocal.es

www.valga.gal

5.- Xurado:

O Xurado estará composto por:

- Concelleiro de Cultura
- Concelleira de Turismo
- Concelleiro de Patrimonio
- Un/unha representante de cada comisión de cada lugar participante. A resolución do concurso realizarase baixo os principios de transparencia, igualdade, obxetividade e non discriminación. A resolución será inapelable e os premios poderán declararse desertos se o xurado así o considera oportuno.

6.- Criterios de valoración:

Os criterios de valoración serán acordes ao solicitado nos criterios de participación. Deste xeito puntuaranse os seguintes aspectos:

- Adecuación final á memoria presentada.
- Orixinalidade e creatividade nos deseños e elementos decorativos.
- Aproveitamento dos recursos e materiais da zona e adecuación dos novos ás características propias da contorna.
- Conservación e deseño de espazos verdes tales como xardíns, zonas recreativas...
- Recuperación de elementos existentes característicos do lugar e usos de materiais e reempregados en elementos decorativos e ornamentación floral
- Promoción de elementos tradicionais e fomento da cultura e tradición locais.
- Execución ou restauración de novos espazos.

7.- Prazos :

- Prazo de presentación de solicitudes e proxectos.
 - Ata o 31 de maio
- Prazo de execución do proxecto:
 - Ata o penúltimo fin de semana do mes de agosto, data na que o xurado visitará os lugares para a súa avaliación.
- Entrega de premios:
 - Os lugares gañadores do concurso serán anunciados durante os actos do día da Festa da Anguía e da Caña do País.



CONCELLO DE VALGA (PONTEVEDRA)

Avda. Coruña, 14 – 36645 VALGA

986 55 94 56 - 986 55 92 44 Fax. 986 55 94 55

concello.valga@eidolocal.es

www.valga.gal

8.- Premios :

Establécense os seguintes premios:

- Honoríficos e económicos:
 - ✓ Primeiro premio: Trofeo + 300 euros
 - ✓ Segundo premio: Trofeo + 200 euros
 - ✓ Terceiro premio: Trofeo + 100 euros
 - ✓ Cuarto premio: 100 euros para o resto das comisións participantes non premiadas.
- Conmemorativos:
 - ✓ Diploma conmemorativo da participación a todas as comisións participantes.
- Premio especial:
 - ✓ O lugar que mellor manteña e conserve o estado do lugar durante o ano, obterá un premio especial de 150 euros na edición seguinte, se se celebrase, aínda que o lugar ganador de este premio non se presentase nesa edición.

Os premios económicos serán en forma de vales que se poderán trocar no concello pasados 15 días dende a súa entrega.